

05 無全款的作業

楊馥綺

有一工自然課下課了後，有一個查埔囡仔來搵我開講，伊講：「老師，我足希望這改歇寒，會當加一寡好耍的作業，莫攏是愛寫字的功課。」我咧想，這馬的囡仔實在真無閒，若是會當利用假期共作業做一寡變化，嘛是袂黑。我想著後學期學校有欲辦一個科學週的活動，按呢會當予學生先激頭腦，所以我笑笑共應講：「好喔，咱家己來做迫迫物仔，你感覺啥款？」我今仔講煞，邊仔閣一個查某囡仔聽著，目睷展甲足大蕊，頭一直頓，搶咧講：「讚！讚！讚！」兩個囡仔閣做伙喝：「老師，愛你喔！」因為按呢，我才開始咧想講欲按怎出這個無全款的作業咧。

「欲做啥物好耍的迫迫物仔咧？」想著矣，「就用樹奶恰家己設計的車身，配合上課所學著的科學原理，做一台會走的车。」

開學了後，逐家紮家己上滿意的車來比賽，有罐仔做的、杯仔做的，嘛有桶仔做的。有人講，發見樹奶愈粗愈短愈勢走；嘛有人講，那耍那改良，定定要甲袂記得食飯；閣有人講，個阿爸恰阿公陪伊做研究，三個人那做那討論，有夠趣味，感覺足幸福。感謝家長恰學生的支持，逐家拍拚學習的態度予我誠感動。

比賽的結果是一個查某囡仔著冠軍，伊用光碟恰塑膠杯仔組彼台車，走甲穩閣緊，會使對活動中心這引走甲彼引去，欲倚三十公尺遠，同學攏替伊歡喜，閣一直共拍嘆仔。

佇嘆仔聲中，我發現予囡仔家己做迫迫物仔，對個來講是一種趣味的挑戰，個會主動想欲學習。而且過程中毋但愛動腦筋設計、攢材料製作，閣愛想辦法解決問題。經過遮的訓練，確實會當啟發囡仔科學研究的動機、訓練耐性、增加智識，等作品完成，閣會當享受成就感恰培養感恩的心，予個對未來參與科學研究充滿信心。活動中嘛看著囡仔互相欣賞、互相鼓勵的態度，無全款的作業，確實是無全款喔！